


蘇軾詩集合注

五



蘇軾詩集卷之七

七



〔宋〕蘇軾 著

〔清〕馮應榴 輯注

黃任軻 朱懷春 校點

蘇軾詩集合注

顧易生題



五

上海古籍出版社

蘇軾詩集合注卷三十七 編年詩

古今體詩五十一首

〔查注〕：起元祐八年癸酉九月出知定州，明年甲戌紹聖改元，四月謫惠州，南行過金陵作。

東府雨中別子由

王本送別類，舊王本留別類。『東府』見前感舊詩題注。〔查注〕：魏鶴山集：宋初置三省，與樞密院各分班奏事，謂之二府。神宗時，立東西二府。陳繹東府記略云：國朝以來，尚襲唐故，大臣多不及建里第，而僦居民間。乃出聖畫，新創二府，度地於闕之西南。自熙寧三年興作，東西府凡八位。明年八月，東府四位告成，詔知制誥臣繹爲之記。石林詩話：元豐初，建東西府於右掖門之前，每府相對，爲四位，俗謂之八位。張侍郎文裕以詩慶，宰執元厚之和曰：黃閣勢連東鳳闕，紫樞光直右銀臺。蓋東府與東闕相近，西府正直右掖門。榴案：續通鑑長編：元祐八年六月，蘇軾知定州。周益公題跋云：趙偁，東郡人。元豐末知登州，元祐末權中山府，兩得蘇文忠公爲代。互見前余將赴文登詩題注。

庭下梧桐樹

〔王注〕：杜子美詩：西掖梧桐樹，空留一院陰。

三年三見汝。

前年適汝陰。

〔施注〕：唐地理志：潁州汝陰郡。又見前潁州初別題注。

見汝

鳴秋雨。去年秋雨時，我自廣陵歸。

〔施注〕：唐地理志：揚州廣陵郡。又見前劉貢父詩注。

今年中山去，〔王注饒曰〕：案年譜，先生以元祐六年

知穎州，七年知揚州，八年守定州。

〔施注〕：漢地理志：中山國，高帝郡，景帝三年爲國。九域志：定州定武軍，有中山城。查注：元和郡縣志：定州戰國時爲中山國，與六國並稱王，地方五百里。漢分趙鉅鹿置常山、中山二郡。城

中有小山，故曰中山。慕容垂建都於此。魏道武改定州。太平寰宇記：河北道定州博陵郡，皇朝爲定武軍節度。輿地廣記：政和三年，復改定州爲中山府。

主人亦是客。

白首歸無期。客去莫歎息，

主人亦是客。

〔施注〕：白樂天杏爲梁歌：開府之堂將軍宅，造未成時頭已白。逆旅重居逆旅中，心是主人身是客。

對牀定悠悠，夜雨空蕭瑟。

見前辛丑十一

月詩注。

起折梧桐枝，贈汝千里行。

〔施注〕：老子：千里之行，始於足下。歸一作重。

來知健否？

〔施注〕：白樂天同友人尋澗花詩：且作來歲期，不知

身健否？

莫忘此時情。

〔施注〕引韓退之詩，見前有言郡東北詩注。

謝運使

一本無運使字。

仲適座上送王敏仲北使

王本送別類，舊王本同。〔王注次公曰〕：此以下定州詩。〔施注〕：王敏仲名古，文正公

且曾孫。第進士。熙寧中爲司農主簿，行淮浙究張若濟獄，劾轉運使王廷老，張靚失職，皆坐斥。歷使諸路，入爲郎，進右司郎，太常少卿，奉使契丹，遷戶部侍郎，尋以集賢修撰爲江淮發運使，進寶文閣待制知廣州。○崇寧黨籍，復朝散郎以沒。先生謫惠州，敏仲適帥廣，恩意倍厚，餽問無虛月，往還書帖載集中。榴案：此段施注有殘缺，今以宋史補之。但史傳作太府少卿，長編同，與施注作太常少卿互異。又長編：『元祐三年四月，王古爲右司員外郎。』宋史同。可補施注缺字。餘詳查注中。〔查注〕：謝仲適爵里失考。慎按：宋史：『王古，懿敏公素從子靖之子，第進士，歷遷戶部侍郎。詳定役法，與蔡京多不

合，詔徙古兵部。復遷戶部尚書。攻不已，以寶文閣直學士知成都。墮黨籍，責衡州別駕。『獨不載北使事。』檔案：宋史本傳明載奉使契丹，即北使也，查氏誤甚。又，余初閱續通鑑長編載：『元祐八年二月，淮南等路發運副使謝卿材知相州。』而先生自大梁赴定州，必經相州，詩中所叙皆途次相值語，疑卿材即仲適。後閱王昶金石粹編載謝卿材饒益寺題名石刻：『朝散大夫臨淄謝卿材仲適，元豐癸亥被詔自歷下移守馮翊，三月二十六日過饒益寺題。』云云。益確然可信矣。又，樂城集有謝卿材自陝漕徙河北轉運使告辭。

衝風振河朔

『衝風』見前出都來陳及次韻答子由詩注。〔王注〕：阮籍詩：寒風振山岡。〔查注〕：太平寰宇記：河朔道朔州馬邑郡，理鄆陽縣。秦爲雁門郡。唐武德四年，置朔州，領縣二。州境東西四百八十里，南北

九十七里。案：詩意概言河北，查注專引朔州，誤。

飛霧失太行。

〔王注次公曰〕：太行山在河北。鮑照詩：霧失交河城。〔施注〕：唐地理志：懷州河內縣，有太行山。

相逢不相識，

施注引李太白句，見前盧敖詩注。

下馬須眉黃。

洗眼忽驚笑，

〔洗眼〕見後卷四十二海船得書詩施注。

見此玉節郎。

〔王注龜父曰〕：沈括云：古之節如今之虎

符，其用則有圭、璋、龍、虎之別。

喜一作

有賢主人，

〔賢主人〕見前廣陵會三同舍詩注。

共惜殘燈。

燭光。

〔施注〕：

杜子美贈衛八處士詩：今夕復何夕？共此燈燭光。互見前游淨居寺詩注。

聚散一夢中，人北雁南翔。

〔王注〕：歐陽文忠送賈推官詩：白雲汾水上，人北雁南飛。〔施注〕：文選魏文帝

雜詩：草蟲鳴何悲，孤雁獨南翔。

吾生如寄耳，

〔見前遊靈隱寺及過雲龍山人詩注〕

送老天一方。

〔王注次公曰〕：此先生言其在定州也。〔施注〕：白樂天詩：賈却新昌宅，聊充送老

資。餘見前戲子由詩注。『天一方』見前送朱朝奉入蜀詩注。

幸子遇明主，

〔明主〕見前感舊詩注。

陳經入西廂。

〔王注次公曰〕：言王敏仲之在經筵也。〔施注〕：漢揚雄甘泉賦：浴方

皇於西清。顏師古曰：西清，西廂清淨之處也。
(廂作箱)文選王文考靈光殿賦：西廂踟躕以閒宴。
趨過。王曰：「良史也，子善視之。」
是能讀三墳、五典、八索、九丘。」

歸期不可緩，倚相宜在旁！

(王注)：左傳昭公十二年：楚子與右尹子革語，左史倚相

書丹元子所示李太白真

查本有「二首」字。王本書畫類，舊王本同。(查注)：慎按：孫紹遠聲畫集載東坡此詩，自西望太白空峽岷以下另是一首，向來刻本合

而爲一者，訛。僧洪覺範所著禁聲贊先生此詩一韻七句方換韻，亦認以爲一首也，今據聲畫集改正。榴案：覺範所云似確，不必遽信聲畫集之言分作兩首。詩人玉屑平頭換韻法一條亦引禁聲之言，且玩詩

中起結，總括以一首

爲是。今仍從舊本。

天人幾何同一漚，

(見前九日黃樓及龜山辯才詩注)

謫仙非謫乃其遊。

(謫仙見前讀杜詩注)

麾斥八極隘九州，

(王注)：莊子田子

方篇：伯昏無人曰：「夫至人者上闕青天，下潛黃泉，揮斥八極，神氣不變。」互見前宿海會寺詩注。又(王注)：曹子建七啟曰：似若狹六合而隘九州。又(施注)引楚辭見前九日次定國韻詩注。

化爲兩鳥鳴

相酬。

(施注)引李太白大鵬賦序：著大鵬遇希有鳥賦以自廣。見前聞錢道士詩注。(查注)：李太白大鵬賦末云：此二禽已登於寥廓，而斥鷃之輩，空見笑於藩籬。

一鳴一止三千秋，

(王注)：韓退之詩：雙鳥海外來，飛飛到中州。一鳥落城市，一鳥巢巖幽。不得相伴鳴，爾來三千秋。還當三千秋，更起鳴相酬。(次公曰)：退之此詩，或以爲言佛老，或以爲言李杜，今觀先生詩，則知其言李杜矣。

開元有

道爲少留，縻之不可矧肯求？

(施注)引周易見前送張安道詩注。

西望太白橫峩岷，

(王注次公曰)：太白，鳳翔山也。峩岷，蜀山也。又引李太白蜀道難詩，

見前雙石詩注。『裴岷』見前陸龍圖挽詞注。

眼高四海空無人。

〔施注〕：舊唐書王叔文傳：惘然自得，謂天下無人。

大兒汾陽中令君，〔王注〕：〔白樂天〕〔樂史〕

李翰林集序：嘗客汾州，識汾陽王郭子儀於行伍間，爲脫其刑責而獎重之。及白坐永王之事，汾陽功成，請以官爵贖白。上許之。〔施注〕：唐李白傳：初遊并州，見郭子儀，奇之。子儀嘗犯法，白爲救免。及白坐永王璘敗，當誅，子儀請解官以贖。子儀爲中書令，封汾陽王。〔案〕：中書令舊每有稱中令者，如續晉陽秋「王獻之爲中令」是也。

小兒天台坐忘身。

〔王注〕：李太白大鵬賦序：真。〔王注〕：李太白大鵬賦序：

一本作「賀季真」，一本作「坐忘真」。〔王注〕：李太白大鵬賦序：

予昔於江陵，見天台司馬子微，謂余有仙風道骨，可與神遊八極之表。互見前初入廬山詩注。〔案〕：何焯曰：賀季真與天台無涉，當作「坐忘身」也。〔施注〕：司馬子微坐忘論序云：敬尋經旨與心事相應者，著坐忘安心之法，略成七條，以爲修道階次。〔查注〕：司馬子微所著坐忘論云：惟滅動心，不滅照心，不依一物，而心常住。有事無事，嘗若無心，此謂正定。定不求慧，而慧自生，此謂真慧。慧而不用，心與道冥。久而行之，自然得道。〔大兒〕「小兒」，舊注引後漢

〔查注〕：司馬子微所著坐忘論云：惟滅動心，不滅照心，不依一物，而心常住。有事無事，嘗若無心，此謂正定。定不求慧，而慧自生，此謂真慧。慧而不用，心與道冥。久而行之，自然得道。〔大兒〕「小兒」，舊注引後漢

〔查注〕：司馬子微所著坐忘論云：惟滅動心，不滅照心，不依一物，而心常住。有事無事，嘗若無心，此謂正定。定不求慧，而慧自生，此謂真慧。慧而不用，心與道冥。久而行之，自然得道。〔大兒〕「小兒」，舊注引後漢

〔查注〕：司馬子微所著坐忘論云：惟滅動心，不滅照心，不依一物，而心常住。有事無事，嘗若無心，此謂正定。定不求慧，而慧自生，此謂真慧。慧而不用，心與道冥。久而行之，自然得道。〔大兒〕「小兒」，舊注引後漢

平生不識高將軍，

〔案〕：舊唐書高力士傳：開元初，加右監門衛將軍。天寶七載，加驃騎大將軍。

手污吾足乃敢瞋，

〔一作〕「瞋」。〔施注〕：唐李白傳：嘗侍帝，醉，使高力士脫鞵。力士素貴，恥之，摘其詩以激楊妃。帝欲官白，妃輒沮止。餘見前次韻公擇梅花詩注。

作詩一笑君應聞。

次韻曾仲錫承議食蜜漬生荔枝

一本有「一首」字。王本花木類，舊王本果實類。〔施注〕：曾仲錫，溫陵人，時爲定武倅。〔查注〕：費袞梁溪漫志：

左右正言、太學國子博士皆爲承議郎，文散官第七品。

爲承議郎，文散官第七品。

代北寒螿擣韭萍，

〔代北〕見前次韻送蔣夔詩注，餘見前豆粥詩注。

奇苞零落似晨星。

〔五注本李云〕：王逸荔枝賦：離離如繁星之著天。又謝玄暉詩：曉星正零落，晨光

復決澇。〔施注〕：楚辭屈原離騷：惟草木之零落兮。又引劉禹錫送張盥序，見前次韻僧潛見贈詩注。

逢鹽久已成枯腊，得蜜猶疑一作是薄刑。〔枯腊〕

見前游

桓山詩注。〔王注〕：蔡君謨荔支譜：紅鹽者，以鹽梅浸佛桑花爲紅漿，投荔支漬之，曝乾，色紅而甘酸。又，蜜煎者，剥生荔支，竿去其漿，然後蜜煎煮之。〔施注〕：禮記月令：斷薄刑。欲就左慈求拄杖，

〔王注〕：神仙傳：孫討逆見左慈，欲殺之。使行於馬前，欲自後刺之。慈著木履，拄一竹杖，徐徐而行。討逆著鞭策馬逐之，終不能及。互見前泗州除夜詩注。

便隨李白跨滄溟。

〔王注〕：李太白臨

江王節士歌：安得倚天劍，跨海斬長鯨。互見前石炭詩注。〔施注〕：又引杜子美送孔巢父詩，見前次韻讀杜詩注。〔滄溟〕見前芙蓉城詩注。摺案：此聯詩意，以荔支產閩海，故戲言欲得仙術，跨海而鮮食也。觀下文〔攀條〕二字可悟。

條與立新名字，〔攀條〕見前除日見寄詩注。〔立名字〕見前洞庭春色詩注。

兒女稱呼恐不經。

〔公自注〕：俗有十八娘荔枝。〔施注〕：史記封禪書：其語不經見，搢紳者不

道。〔查注〕：蔡君謨荔支譜：十八娘，色深紅而細長，時人以少女比之。俚傳閩王氏有女第十八，好噉此品，因名。其冢在城東報國禪院，冢旁猶種此樹云。摺案：王注引此，因查注較詳，故採之。

大行太皇太后高氏

一本無高氏二字。

挽詞二首

王本傷悼類，舊王本同。〔查注〕：宋史：元祐八年九月，太皇太后高氏崩。九年，上尊號曰宣

仁聖烈太皇太后，葬永裕〔厚〕陵。后亳州人，英宗后也。曾祖瓊，贈魏王，諡武烈。查本附樂城集詩二首，今不載。

至矣吾三后，

〔王注次公曰〕：「三后」以言章憲明肅皇后之保佑仁宗，慈聖光憲皇后之保佑英宗，及今大行宣仁聖烈皇后之保佑元祐天子哲宗。〔施注〕：真皇后章憲明肅劉氏，仁宗后慈聖光憲曹氏，英宗后宣仁聖烈高

氏，皆嘗垂簾聽政。〔查注〕：岳珂魏邦錄：本朝帝后廟諡率聯一字，深得古意。真宗諡章聖，后曰章憲明肅，仁宗諡聖武，后曰慈聖光憲，英宗諡宣孝，后曰宣仁聖烈。

功高漢已還。復推元祐

冠，蓋得永昭全。

〔公自注〕：臣嘗於經筵論奏：仁宗皇帝諡曰明孝：若明而不仁，則民畏而不愛，仁而不明，則民愛而不畏。今大行太皇太后亦兼此二德，故天下思慕，庶幾於仁宗也。〔查注〕：宋史本

紀：仁宗葬永昭陵。

有作猶非聖，

〔王注〕：莊子知北遊篇：大聖不作，觀於天地之謂也。互見前神宗皇帝挽詞注。

無私乃是天。

〔王注〕：禮記：天無私覆。〔查注〕：聞見後錄：文

思院奉上之私無物不具，宣仁后同聽政九年，不取一物。亦無私之一證也。

侍臣談道要，

一作「要道」。〔侍臣〕見前次韻公擇梅花詩注。〔施注〕：孝經：先王有至德要道，以順天下。

家法信家

傳。

〔公自注〕：宰相以下嘗於經筵論奏祖宗以來家法十餘事，書於記注。『家法』見前送趙帆詩注。

却狄安諸夏，

〔施注〕：公羊傳成公十五年：春秋內其國而外諸夏，內諸夏而外夷狄。〔查注〕：其國者，本國也，故與諸夏分內外。原注作「中國」，誤，今改正。

先王社稷臣。

〔王注〕次公

曰：先王，楚王高瓊也。景德契丹之役，羣臣皆欲避狄，獨萊公不可。武臣中惟楚王與萊公意同。公既爭之力，上曰：『卿文臣，豈獨盡用兵之利害？』公曰：『請召高某。』既至，乃言避狄爲便。公大驚，以王爲悔也。已而徐言：『避

狄固爲安全，但恐慮駕之士中路逃亡，無與俱西南者耳。』上大驚，始決北征之策。此真所謂「社稷臣」矣。〔施注〕：禮記：衛獻公曰：『有臣柳莊也者，非寡人之臣，社稷之臣也。』〔查注〕：東都事略：高瓊，燕人。父乾，徙亳州之蒙城。

事太宗於濟邸。景德初，契丹入寇，真宗親征。有勸帝南還者，瓊言契丹師衆已老，宜親臨觀兵，督其成功。真宗幸澶州，瓊固請渡河。至浮橋，駐輦未進。瓊乃執轡（祝）〔策〕輦夫背，曰：『何不亟行？今已至此，復何疑！』真宗乃命進

輦。既至，登北門城樓，張黃龍旗，將士皆呼萬歲，氣勢百倍，契丹遂退。

固應祠百世，

〔王注〕：左傳昭公八年：史趙對晉侯曰：『臣聞盛德必百世祀。』〔施注〕：史記陳世家：盛德之後，必百世祀。

何止

活千人。

〔王注〕：後漢后妃紀：鄧后，太傅禹之孫，父訓。后嘗夢捫天，后叔父隆言：『嘗聞活千人者，子孫有封。』兄訓爲諫者，使修石臼河，歲活千人。天道可信，家必蒙福。互見前程德孺生日詩注。

定策

天知我，

〔王注〕次公曰：言宋神宗與太后定議，立元祐天子哲宗也。〔查注〕：宋史：哲宗爲神宗第六子，生熙寧九年。初封均國公。〔施注〕：漢霍光傳：定萬世策，以安社稷。〔查注〕：宋史：哲宗爲神宗第六子，生熙寧九年。初封均國公。〔元

豐五年，進封延安郡王。八年二月，神宗不豫，猶未立太子也。皇太后垂簾福寧殿，諭宰相王珪等奉制立延安爲太子，四日而神宗晏駕。邵氏見開後錄引哲宗實錄云：神宗彌留，后勅中人梁惟簡令製一黃袍，十歲兒可衣者，蓋爲上倉卒踐阼之備。神宗、太后所以屬意於上者確然先定，無纖芥可疑。邢恕者，傾危士也，反謂后欲捨延安而立其子顥，賴己及章惇、蔡確，得無變。王定國聞見錄：武臣王穽爲邢恕教，令重誣宣仁於哲宗有異心。恕又教蔡惲等上書論元祐及元豐末事，其書一篋，皆怨手筆。穽於哲宗朝得閣門職名，慎按：小人樹黨冒恩，敢於離間骨肉，構造無根，釀成殃禍。始謀者蔡確，而成於傾邪罔上之邢恕，浸尋至于蔡卞，甚且創迫廢聖母之議。賴哲宗仁孝，不納其言。不然，宣仁被誣，幾不白於身後。先生詩云：「定策天知我，其旨微矣。」摺案：續通鑑長編：元豐八年正月戊戌，上寢疾。二月癸巳，上疾甚。王珪言：「去冬奉旨：『延安王來春出閣。』願早建東宮。」上肯首。又乞太后權同聽政，上亦肯首。太后辭，珪等請再三，太后泣許。先是，蔡確與邢恕謀固位計，恕故與太后姪公綸、公紀交。確嘗遣恕要二人，辭不往。明日，又招至東府。確曰：「宜往見邢職方。」恕曰：「家有桃著白花，可愈人主疾，幸留一觀。」入中庭，紅桃花也，驚曰：「白花安在？」恕執二人手，曰：「右相令布腹心，延安冲幼，雍、曹皆賢王也。」公綸等懼，曰：「君欲禍我家。」徑去。已而恕反謂雍王有覬覦心，太后將立之，王珪實主其事。與內殿承制致仕王穽共造誣謗，欲借此以陷珪。他日，恕語確曰：「延安出閣，上去冬固有成言。公盍亟于上前發其端？」又曰：「第告子厚，同列勿使知。」惇即許諾。仍約知開封府蔡京，以其日領壯士待變于外廷。是日，三省于樞密院南廊共議。珪口吃，連稱「是」字數聲，徐曰：「上自有子，復何議？」確、惇無如珪何。尋入奏，得請。俱出，逢雍王顥、曹王顥于殿門外。惇更厲聲曰：「已立延安爲太子，奈何？」顥曰：「天下幸甚。」又：元符元年三月，章惇、蔡卞恐元祐諸臣一旦復起，日夜與邢恕謀所以排陷之計。既再追貶呂公著、司馬光，又責呂大防、劉摯、梁燾、范祖禹、劉安世等過嶺。意猶未慊，仍用黃履疏高士英狀追貶王珪，皆誣以圖危上躬。其言浸及宣仁聖烈皇后，上頗亦惑之。最後起同文館獄，將悉誅元祐舊臣。納結宦者郝隨爲助，專媒孽垂簾時事，建言欲追廢宣仁聖烈皇后。惇、卞自作詔書，請上詣靈殿宣讀施行。太后方寢，聞之遽起，不及納履。號哭謂上曰：「吾日侍崇慶，天日在上，此語曷從出？且上必如此，亦何有于我？」皇太妃同皇太后諫上，語極悲切。上感悟，取惇、卞奏就燭焚之，禁中相慶。隨視知，亟以語惇、卞。明日再具奏，亟乞施行。上怒曰：「卿等不欲朕入英宗廟乎！」抵其奏於地。張士良者，前竄雷州，惇、卞逮赴詔獄，欲使證宣仁聖烈皇后果有廢立意。及士良至，既以舊御藥告，並列鼎鑊刀

鋸置前，謂之曰：『言有即還舊官，言無則死。』士良仰天哭曰：『太皇太后不可誣，天地神祇何可欺也！乞就戮。』（京）惇（卞）無如之何，但以陳衍罪狀塞詔。宣仁聖烈追廢之議由是得息。忘家帝念親。

〔施注〕：漢賈誼傳：爲人臣者，主耳忘身，國耳忘家，公耳忘私。萬方何以報，得疾爲勤民。

再次韻 一作『和』 曾仲錫荔支 一本有『一首』字，王本花木類，舊王本果實類。

柳花著水萬浮萍，見前望夫臺及杜興秀才詩注。荔實周天兩歲星。

〔公自注〕：柳至易成，飛絮落水中，經宿卽爲浮萍。荔支至難長，二十四五年乃實。〔施注〕：左傳

襄公九年：晉侯問公年，曰：『十二年矣，是謂一終，一星終也。』杜預曰：歲星十二歲而一周天。

本自玉肌非鵠浴，〔玉肌〕見前送牛尾狸詩注。〔施注〕：莊子天運篇：鵠不日浴而白，烏不日黔而黑。

至今丹殼似猩刑。

〔王注〕：華陽國志：永昌郡有猩猩，其血可染朱罽。互見前贈狄崇班詩注。〔施注〕：白樂天薔薇詩：猩猩疑血點，瑟瑟感金筐。〔查注〕：荔支譜有蛇殼之名。侍郎賦

詠窮三峽，〔王注次公曰〕：侍郎指白樂天也。

樂天在忠州，有題郡中荔支詩十八韻，又有戲楊君亦種荔支四韻，又有重寄荔支與楊使君詩，又有種荔支詩，又有荔支樓對酒小詩。〔施注〕：九域志：忠州，隸夔州路。三

峽，山在夔州。妃子烟塵動四溟。

〔王注〕：唐書：楊貴妃嗜荔支，必欲生致之。乃置騎傳送，走數千里，味未變，已至京師。杜牧之過華清宮詩：一騎紅塵妃子笑，無人知是荔支來。〔四溟〕見前去

杭十六年詩注。莫遣詩人說功過，且隨香草附騷經。

〔王注次公曰〕：離騷載芳草，如蘭蕙、椒蘭、江離、薜芷、留夷、揭車之屬。〔施注〕：楚辭離騷經序：離騷之文，依詩

取興，引類譬喻。故善鳥、香草以配忠貞，惡禽、臭物以比讒佞。

次韻滕大夫

一作「文」。

三首

王本泉石類，舊王本同。〔施注〕：滕大夫名興公，海陵人。時爲定武倅。〔查注〕：滕大夫字希靖，時與李端叔同爲定州倅。見姑溪集。摺

案：續通鑑長編元祐四年十二月載齊州通判滕希靖管勾開修徐州呂梁、百步兩洪月河，石堤上下置牐事。其爲定倅年月無考。但據長編，則希靖爲滕大夫之名，與施、查二注互異。

雪浪石

〔查注〕：本集雪浪齋銘引云：予於中山後園得黑石，白脈，如蜀孫位、孫知微所畫，石間奔流，盡水之變。又得白石曲陽。爲大盆以盛之，激水其上，名其室曰雪浪齋。名勝志：雪浪齋故

址在文廟後。摺案：墨莊漫錄：後謫惠州，雪浪之名遂廢。元符中，張芸叟守中山，重安盆石。方欲作詩寄公，聞公之薨，乃作哀辭云云。張芸叟畫墁集蘇子瞻哀辭：「石與人俱貶，人亡石尚存。却憐堅重質，不減浪花痕。滿酌山中酒，重添丈八盆。公今不歸北，萬里一招魂。」即指此石也。查本附子由、李端叔、晁无咎、秦少游、張文潛各次韻詩。摺案：參寥集亦有次韻詩，查氏何獨遺之？今皆不載。

太行西來萬馬屯，〔太行〕見前。勢與岱岳爭雄尊。

謝運使詩注。

〔王注〕：杜子美木皮嶺詩：始知五嶽外，別有他山尊。

飛狐上黨天下脊，

〔王注〕：杜牧之賀平澤潞啟曰：上黨之地肘京洛而履蒲津，倚太原而跨河朔。戰國時張儀以爲天下之脊，建中日田悅名曰腹中之眼。牧之詩又云：上黨爭爲天下脊，邯鄲四十萬秦坑。〔施注〕：唐文粹鄭亞會昌一品集序：上黨居天下之脊，當河朔之喉。史記張儀傳：席卷常山之嶺，必折天下之脊。〔查注〕：元和郡縣志：蔚州飛狐縣，縣北有飛狐口，開皇長城在飛狐界。漢書：酈食其說漢王曰：「杜白馬之津，塞飛狐之口。」皆一方之阨也，亦謂之飛狐道。九域志：

河東路龍德府，潞州上黨郡，昭德軍節度使。釋名曰：黨，所也。在山上，其所最高，故曰上黨。餘見前和入假山詩注。半淹落日先黃昏。削成山東二百郡，「削成」見前雁

蕩山圖詩注。「王注次公曰」：古所謂山東，乃今之河北，晉地是也。今所謂山東，乃古之齊地，青、齊是也。杜牧云：「山東王不得不王，霸不得不霸。」指今之河北也。謂之山東，蓋太行山之東也。「山東二百郡」，正謂太行以東冀州之域矣。杜子美詩：「漢家山東二百州，千村萬落生荆杞。」商老曰：「杜子美詩：遭漫山東二百州，削成如案抱青丘。」櫛案：施注引杜詩後二句作「一百州」。

詩注。又「王注次公曰」：代北則燕、趙以往之地也。傳燈錄：僧問：「竟脫和尚，如何佛法？」師曰：「三家村裏。」施注：「傳燈錄：道吾師曰：『三家村裏賣卜，東卜西卜，忽然卜著也不定。』」查注：「漢書：梅福曰：『代谷者，恆山在其南，雁塞在其北，上谷在東，代郡在西。』元和郡縣志：代州雁門郡，春秋晉地。隋開皇五年，置代州。北至朔州一百二十里。按：定州在代之北，故云。唐王季友詩：百姓惟有三家村。」千峰右一作石。卷轟牙

帳，櫛案：杜子美。崩崖鑿斷開土門。施注：「唐李光弼傳：以朔方兵五千出土門，東救常山。」查注：「太平寰宇記：井陘口，今名土門口，即太行八陘之第五陘也。困學

紀聞：土門口在鎮州獲鹿縣，即井陘關也。互見前雲龍山觀燒詩注。揭來城下作飛石，「揭來」見前送劉道一礮驚落天驕魂。施注：「漢食貨志：師丹建言限民田，云原及卷七再和詩注。」

仁閑居賦：礮石雷駭。「天承平百年烽燧冷，施注：「漢食貨志：師丹建言限民田，云此物僵卧枯榆」見前寄劉孝叔詩注。

根。櫛案：江淹報袁叔明書：僵卧深壑。畫師爭摹雪浪勢，「雪浪」見前將至澗口詩注。天工不見雷斧痕。雷斧「見前太虛以黃樓賦見寄詩注。又王注：陳

藏器本草云：霹靂鉞，伺候震處，掘地三尺得之。其形非一，亦有似斧刃者。注曰：出雷州并河東山澤間，因雷震後得，多似斧形。施注：「國史補：雷州多雷，秋冬伏地中，人取得雷斧，雷墨可以爲藥用。」離堆四面

繞江水，坐無蜀士誰與論？舊注引蜀守李冰鑿離堆事，見前西山詩和者詩注。老翁兒戲作飛雨，舊注引韓退之盆池詩，見前初

入廬山及雙石詩注。「兒戲」見

卷三十七

前罷徐州詩注。『飛雨』見前有美堂暴雨詩注。
又，〔施注〕：文選張景陽雜詩：飛雨灑朝蘭。

把酒坐看珠跳盆。

〔把酒〕見前哭刁景純詩注。『跳珠』施注
引白樂天三遊洞序，見前游三游洞題注。

此身自幻孰非夢？〔夢幻〕見前王
廷老退居詩注。

故國一作

園。山水聊心存。

〔施注〕：文選潘安仁
寡婦賦：心存兮目想。

同前

一本無二字。查本附李端叔次韻
東坡和滕希靖雪浪石詩，今不載。

我頃三章乞越州，

見前七年
九月詩注。

欲尋萬壑看交流。

舊注引顧愷之語，見前武昌
西山及郭熙秋山平遠詩注。

且憑造物開山骨，

〔山

見前佛日
山詩注。

已見天吳出浪頭。

〔公自注〕：石中有似海獸形狀。〔王注〕：山海經：朝陽之谷，神曰天吳，是爲水
伯。其爲獸也，八首人面，八手八尾。〔施注〕：山海經：天吳八首十尾。郭注

曰：水伯。互見前和邵同年詩
注。檀案：李洞詩：夢枕浪頭春。

履道鑿池雖可致，

〔施注〕：唐白居易傳：東都所居履道里，疏沼種樹，
構石樓香山，鑿八節灘。互見前去杭十六年詩注。

玉

川卷地若爲收。

〔王注續曰〕：盧仝自號玉川子，作客謝井詩云：我
縱有神力，爭敢將公歸？揚州惡百姓，疑我卷地皮。

洛陽泉石今誰主？莫學癡人李

與牛。

見前次韻和劉京兆及至真州再和詩注。又，〔王注次公曰〕：牛僧孺嗜太湖石，有小小，其數四等，以甲、乙、
丙、丁品之，每品有上、中、下，各刻於石陰，曰『牛氏石』。又，李德裕平泉莊，在洛陽之南，周回四十里，多奇石

異石。人題詩曰：『隴右諸侯供瑞石，日南太守送名花。』〔施注〕：賈氏談錄：『贊皇公平泉莊，周回四十里。天下奇花
異草，珍松怪石，靡不畢致。今悉以絕矣。怪石名品甚衆，各爲洛陽大族有力者取去。』李衛公平泉花木記及詩序云：

『後世以一花一石移於他處者，非李氏子孫。』德裕初封贊皇伯，後封衛國公。唐牛僧孺傳：『治第洛之歸仁里，多致嘉
石美木。』白樂天牛奇章石記云：『公嗜石，以甲、乙、丙、丁爲品第。』僧孺封奇章郡公。『癡人』見前季默以墨見餉詩注。

沉香石

查本附李端叔次韻詩，今不載。

壁立孤峰倚硯長，

〔王注〕：唐書：張說論近世文章，曰：富嘉謨如孤峰絕岸，壁立萬仞。〔施注〕：晉王衍傳：巖巖清峙，壁立千仞。互見前游廬山詩注。

共疑沉水得頑蒼。

〔施注〕：唐本草注：沉水香，出天竺，單于二國。樹葉似橘，經冬不凋。皮色青。木似檉柳，重實黑色，沈水者是。拾遺記云：常以水試乃知。見香譜。

欲隨楚客紉蘭佩，

〔見前和邵同年詩注。〕

誰

信吳兒是木腸？

〔見前送張職方及復次放魚韻詩注。〕

山下曾逢化松石，

〔王注〕：陸龜蒙二遺詩序：東陽多名山，就中金華爲最。其間饒古松，往往化爲石。枕（牀）（材）（琴）薦，皆

其石也。舊唐書：僕骨東境，其地東北一千里有康于河，松木入水，一千年乃化爲石，其色青，謂之康于石，上有松文。榴案：白孔六帖：『回紇拔野古有川曰康于河，斷松投之，三年輒化爲石。』云云。與舊唐書略同，惟『三年』與『千年』迥異。〔施注〕：錄異記：婺州永康山，有枯松因斷墮水，化爲石。枝幹及皮與松無異。玉中還有辟邪香。

〔王注續曰〕：唐肅宗賜李輔國香玉辟邪二，各高一尺五寸，奇巧殆非人工。其玉之香可聞數

百步。榴案：見太平廣記所引杜陽雜編。又，〔王注厚曰〕：杜陽雜編：唐公主下降，乘七寶步輦，四面綴五色玉香囊，囊中貯辟邪瑞麟香，皆異國所獻也。榴案：施注亦引此條，作『自漢至唐，公主下降』云云，略同。早知百

和俱灰燼，

〔王注〕：古詩：博山爐中百和香。杜子美即事詩：雷聲忽送千峰雨，花氣渾如百和香。〔次公曰〕：百和，香名，以衆香末合和爲之也。

未信人言弱勝剛。

〔王注〕：

老子：弱之勝彊，柔之勝剛。

石芝并引

一本有『詩』字。王本泉石類，舊王本同。〔查注〕：抱朴子仙藥篇：五芝者，有石芝、草芝、肉芝、木芝、菌芝，各有百許種。石芝生於海隅名山，赤者如珊瑚，白者如截肪，黑者如

澤漆，青者如翠羽，黃者如紫金，皆光明洞澈如堅冰。本集北海十二石記云：登州下臨大海，沙門、鼉磯、車牛、大竹、小竹凡五島，惟沙門最近，兀然焦枯，餘皆紫翠巉絕，神仙所宅也。上生石芝。草木皆奇麗，多不識名者。先生又自題石芝詩云：中山教授馬君，文登人也。嘗得石芝食之，故作此篇，同賦一篇。又按：子由和詩附見第二十卷黃州條下。摺案：子由詩中有『中山軍府』語，安可附在黃州卷中？今仍附載於此，并附詩引以備考：子瞻昔在黃州，夢游人家，井間石上生紫藤，枝葉如赤箭。主人言：『此石芝也。』折而食之，味如雞蘇而甘。起賦八韻記之。元祐八年，予與子瞻皆在京師。客有至自登州者，言海上諸島，石向日者多生耳，海人謂之石芝。食之，味如茶，久而益甘。海上幽人或取服之，言甚益人。客以一籃遺子瞻，遂次前韻。雞鳴東海朝日新，光蒙洲島霧雨勻。一晞石上遍生耳，幽子自食無來賓。寄書乞取久未許，箬籠蕉囊海神戶。一掬誰令墮我前？無爲知我超其數。此身不願清廟瑚，但願歸去隨樵蘇。龜龍百歲豈知道，養氣千息存其胡。塵中學仙定難脫，夢裏食芝空酷烈。中山軍府安得聞？更試朝霞磨鏡鐵。

予嘗一作昔夢食石芝，作詩記之。今乃真得石芝於海上，子由和前詩見寄。予頃在京

師，有鑿井得如小兒手以獻者，臂指皆具，膚理若生。予聞之隱者，一本有『曰』字。此肉芝也。

〔王注〕：抱朴子內篇云：肉芝者，謂萬歲蟾蜍，千歲蝙蝠，千歲靈龜，千歲鳶，凡此百二十種，皆肉芝也。事見太乙玉策及昌字內記。又詩首二句下〔王注〕：神仙感遇傳：蕭靜之掘地得肉芝，類人手，肥且潤，色微紅。食之，